

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 765 del 25/03/2026**

**Gerosa: "An nain tritt envire ver za versterchern de u'leardinstn en de vourkindergartn"**

## **Familie vourkindergartn - Tagesmutter: u'ganommen der nai profil en de provinzallista van òrbetn**

[Mòcheno] De Autonome Provinz va Trea't mòcht an òndern tritt envire ver za versterchern de u'leardinstn ver de vourkindergartn ont ver za derkennen de nain figur van òrbeter. Pet a naia mosnemm, u'ganommen en vraita as de 20 van merz va de Provinzaljunta, kimmp derklort der profil va de òrbet van "U'learu'stellt van familie van vourkindergòrtn - dinst Tagesmutter" ont s sai' toalnemm en de provinzallista van òrbeter.

**"Pet de doi mosnemm, de provinzallista van òrbeter kimmp raicher van a strategische figur - hòt se derklort de u'learassessor Francesca Gerosa - ont s kimmp derzua galeik a figur òlbe mear paroatet ont as guat ist za gem ompòrt en de neat van lònt. S doi derstellt an tritt envire ver za versterchern der provinzalsistem ont asou versichern s kennen as nutzt de òrbeter van sektor ont va de trentinische familie".**

De doi moss mòcht toal va de ausrot n. 970 va de 4 van heibeger 2025, as hòt vourstellt, zbischn de rèchtn as prauchen ver za mòchen der u'learu'stellt van familie van vourkindergòrtn Tagesmutter en Trentin, s derkennen de kompetenzn, no en Provinzalgasetz va de earste van heibeger 2013, n. 10 asn permanentlear. De doi moglechkait geat zòmm pet en u'learbe bou as men miast mòchen vinfhundert stunden ver za meing kriank der titl.

Der òrbetprofil ist kemmen tschazt van KindergòrtnEinst derno za hom vertiaft de richtegen òrbetn za trong envire, gilt gem en de augea'politik, gem hilf en de familie ont versterchern de u'leardinstn ver de kinder as hom zbischn de 0-3 jor. De technischesuach ist kemmen notschau van Omt ver de toalnemmpolitik ont stòttkear van U'leardinst, pet an ausònder òcht za gea' no en de regln va de Stòttlista ont pet en Stòttòrbetnrom (QNQ).

Derzua leing der nai profil en de Provinzallista derstellt an bichtegen mittl ver za gem gilt en de kompetenzn as men schoa' hòt as mearer sòchen, ver ber as bill òrbetn en de dinstn van familie vourkindergartn - Tagesmutter. En de glaiche zait, ist an paitrog ver za versichern runt a guata qualitet ont òrbet ver de social-u'lear ver de vourkindergartn, abia as paschraip s gilte provinzalgasetz.

Der zil va de mosnemm ist topplet: van a sait gem mear moglechkaitn en de dinstn ver de vourkindergartn ont asou gem ompòrt en de neat van familie durch an integrativsistem van dinstn; va de ònder sait stitzn de politik ver za gem bèrt ont biderbèrt en de òrbet, ont versterchern der provinzalsistem van derkennen de kompetenzn.

**Ibersetz gamòcht van Sprochtirl va de Tolgamoas'chèft Hoa Valzegu' ont Bersntol**

(cdt)